



UNIVERSITÄTS-
BIBLIOTHEK
PADERBORN

Vitæ Pontificum Romanorum

Ex Antiquis Monumentis Collectæ

Sandini, Antonio

Bambergæ, 1753

C. S. Paschalis I. Anno Christi 817. Ludovici Pii 4. Leonis Armeni 5.

[urn:nbn:de:hbz:466:1-65464](https://nbn-resolving.org/urn:nbn:de:hbz:466:1-65464)

C.

S. PASCHALIS I.

ANNO CHRISTI 817.

LUDOVICI PII 4. LEONIS
ARMENI 5.

POstridie mortem Stephani IV. in Bar. an.
 locum ejus successit Pascha- 817. 9.
 lis Bonosi filius, Romanus. Hic 1. 4. 10.
 Theodorum Nomenclatorem ad Lu- 14. 15.
 dovicum Pium legavit, renovandæ Pag. §. 1.
 pactiõni à Patre ejus Avóque initæ 2. 9.
 cum Romanis Pontificibus. Impe-
 rator animo libenti indulsit omnia,
 & per eundem Theodorum trans-
 misit ad Paschalem constitutionem,
 quã non solum jussit, rata esse quæ-
 cunque donata vel restituta fuerant
 Romanæ Ecclesiæ ab decessoribus
 suis; sed etiam Siciiliã Sardiniãque
 adjectis donationem cumulavit. Ad-
 didit donationi legem, ut recens e-
 lecti Pontifices Romani, postquam
 consecrati essent, ad Reges Franco-
 rum mitterent Legatos suos, qui
 mutuam *amicitiam & charitatem &*
pacem sociarent, ut ipse loquitur in
 constitutione memorata. (1) Post
 hæc

E 4

hæc

hæc filium suum Lotharium factum
consortem Imperii, Regemque Ita-
liæ misit in Italiam, tum ut partes
muneris Regii obiret jure dicundo,
tum ut Regni Longobardici coro-
nam, & Imperatoris Augusti nomen

Bar. an. acciperet à Pontifice. Solemnem

823. §. 1. ceremoniam ipso die resurrectionis

Pag. §. 1. Christi Domini in Æde S. Petri Pa-

schalis peregit, & potestatem, quam

prisci Imperatores habuere, ei super pa-

Bar. an. *pulum Romanum concessit.* (2) Anno

824. §. 1. insequente IV. Idus Februarii ex

Pag. §. 1. hac vita migravit, anno septimo &

die decimo septimo, quam summo Sa-

cerdotio præfectus fuerat.

ANNOTATIONES.

(1) Hujus constitutionis partem recitat
Gratianus dist. 63. cap. *Ego Ludovicus*
30. integram Sigonius lib. 4. De Regno
Italiæ ad an. 817. pag. 171. sed & sub-
scriptionibus carentem, & erroribus ten-
dam. Ex quatuor Vaticanis Codicibus
emendavit Baronius, inclusitque Annalibus
ad eund. an. 817. §. 10. Eandemque in
Annales Ecclesiæ Francorum retulit Car-
lus Cointius ad an. cit. §. 6. ostenditque
eam aliqua ex parte complecti donationem
novam, at majori ex parte confirmare ea
que donata vel restituta fuerant Romane
Ecclesiæ.

Hanc

Hanc Ludovici Pii constitutionem, à qua pendent constitutiones aliorum Imperatorum, subdititiam esse dixerunt hæretici nonnulli. Carolus Molineus Calvinista, omnium primus illam in dubium revocavit. Hunc secuti Joannes Volphius, & Melchior Goldastus, alter in libro illo pestilentissimo, cui titulus: *Lectiones memorabiles & recondita*: alter in suo *Rationali Constitutionum Imperialium*. Horum vestigiis insitère postea alii, quos refellit auctor libri, qui inscribitur: *Il Dominio temporale della Santa Sede sopra la Città di Comacchio* cap. 7. & 8. idemque auctor libri, cui titulus: *Difesa seconda del Dominio temporale* &c. cap. 24.

(2) Ita habet Fragmentum Longobardicæ historiæ, Paulo Diacono attributum, quod exstat tom. 1. part. 2. Scriptor. Rer. Italic. pag. 184. Ideo autem Pontifices potestatem hujusmodi indulgebant Imperatoribus, ut Imperatores eâ freti reprimerent turbas, motus, ac factiones Romanorum. Ecclesiâque tutarentur ab hostium injuriis. Id quod non gravatè concedit Pagijs ad an. 823. §. 3. & ad an. 755. §. 6. 759. §. 9. 790. §. 11. & 826. §. 1. docet, post Gregorium II. Urbis Romæ, & post Stephanum II. etiam Exarchatûs administrationem summam & jus omne fuisse penes summos Pontifices.

Ludovicus Thomassinus De vetere & nova Ecclesiæ disciplina tom. 3. lib. 1. cap. 29. §. 6. & 7. perpenis rebus ab Gregorio

gorio II. & III. Zacharia, & Stephano II. gestis per occasionem occupata à Longobardis Pontificiæ ditionis, loquitur ad hanc modum: *Dilucidum hic est planè, penes Papam fuisse summam administrationem Romæ & Exarchatus, ipsum pacis fœdera sanxisse, bellis obviâsse, urbes defendisse, ac recuperâsse, hostes propulsasse, auctoritate apud Imperatorem & Reges circumjacentes plurimum valuisse. Ita jam re, necdum nomine Principatus penes illum erat, moderante his omnium Numinis providentiâ inter tantas bellorum tempestates.*

CI.

EUGENIUS II.

ANNO CHRISTI 824.

LUDOVICI PII II. MICHAELIS II, BALBI 5.

IN Paschalis I. locum, cum duo per contentionem populi fuissent electi, Eugenius tamen Archipresbyter tituli S. Sabina, vincente Nobilium parte, subrogatus atque ordinatus est, anno 824, XIV. Kal. Martii. (1) Is Boëmundi filius, Romanus. Lotharium Augustum Romam à Ludovico Patre missum schismatis tollendi causâ, susce-

Bar. an.
824. 9.
11. 12.
Pag. 61.